

BAKURUBASANNI


(nimoro 12 songo)

Mali kono = Dōrōme 300

Afriki kono = Dōrōme 600

Jamana wəre = Dōrōme 1000

Awirilikalo san 2002



Kunnafonisēben bota kalo o kalo. BP: 24 Téléfon : 21-21-04. Bozola Bamako-Mali. San 30nan bok 363nan A songo : dōrōme 15

Depitesigiw

ATT seginna fanga la



Minisiriw ka laadala tōnsigi kera arabadon mēkalo tile 8 Kuluba peresidan Alifa Umaru Konare ka nēmaaya kono. U ye sēben do ta ka nēsin depetesigi ma. A jirala ko fanga sabanan depitesoba ka depitew ka fanga bē ban san 2002 utikalo tile 5. Sariya b'a daga depite kuraw ka sigi tile 60 kono ka kōn fanga banni nē. Ola nin sēbenw bē depitesigiw nēsigi. Sēben fōlō b'a nini kalatalaw fē u ka na kalata san 2002 zuluyekalo tile 24.

Tako filanan bē ke san 2002 zuluyekalo tile 28.

Hakilijigin na depitew bēs lajelen bē ben 147 ma.

N'u ma fana nōgōn na fōlōla, kalatako filanan bē ke k'u bō nōgōn na sērikiliw ni Bamako kominiw kono.

Sēbenfilanana b'a jira ko kampani bē dayēlē karidon san 2002 zuwēnkalo tile 23. Kalatako filanan kampani bē dayēlē jumadon zuluyekalo tile 19 san 2002 k'a datugu jumadon san 2002 zuluyekalo tile 26 miniwi waati la.

Sēben sabanan bē tali ke woteko yēre kan. Mōgō min bē depiteya nini o ka kan k'a tōgo sēben san 2002 zuwēnkalo tile 4 ka kōn wotew nē.

Sēben naaninan bē mōgōw ka wariko kōfō minnu bē depiteya nōfē, walima pariti min b'a kanbō depiteya nōfē. Olu ka kan ka wari dō bila faso ka kesuba la. Minisiriw ka laadala tōnsigi b'o wariko dantige.

Ajirala ko pariti kelen-kelen wali mōgō kelen-kelen minnu bē depiteya nōfē k'olu ka kan ka sefawari waa tan sara.

Badama DUKURE

Mali maracebō minisiri Usumani SI ye peresidansigi kalata tako filanan min kera san 2002, mēkalo tile 12, jaabi fōlō di san 2002, tile 16 sanni jamana sariyasoba k'u fēsēsēsē, ka jēn n'u ye. Minisiri ka fōlō la kalata kuncéra nin cogo la :

- Amadou Tumani TURE ye kala 1.099.653 sōro n'o bē ben 64,35 ma, kēmēsarada la.

- Sumayila SISE ye kala 609.320 sōro n'o bē ben 35,65 ma, kēmēsarada la.

Kalatala minu tōgo sēbenna : 5.746.202.

Mōgō minnu tun ka kan ka kala ta : 1.733.864

Kala hake tijenén : 24.649.

Mōgō hake lākika minnu ye kala ta : 1.709.153. Kēmēsarada la, o bē ben : 30,17% ma.

Nin tako filanan wotebagaw ma caya ka kalata tako fōlō bō, min kera san 2002 awirilikalo tile 28. Pariti 40 nōgōnna ani peresidanjinibaga dōw y'a nini u ka mōgōw fē u ka kala ta Amadou Tumani Ture ye wote tako filanan na, k'a sōro Sumayila SISE dēmēbagawtun yepariti 12 dōrōn mōgōw ye.

Nikowēre maké, an bē sek'a fō ko ATT bēna sigi peresidanya la Alifa Umaru nōna, san 2002, zuwēnkalo tile 8.

Basiriki TURE

Peresidansigi kalata fofu jaabiw

SARIYASUNBA MOGOW YE JAABI
LABANMINNUN DI MEKALO TILE 9:

Amadu Tumani Ture : 449.176
(kemesdarada la, 28,71)
Sumayila Sise : 333.525
(kemesarada la, 21,31)
Ibarahima Bubakari Keyita 329.143
(kemesarada la, 21,03)
Cebilen Daramé : 62.493
(kemesarada la, 3,99)
Muntaga Tali : 58.695 (kemesarada la, 3,75)
Musa Bala Kulubali : 50.211
(kemesarada la, 3,21)
Shogeli Kokala Mayiga : 42.469
(kemesarada la, 2,71)
Mamadu Sangare : 34.603
(kemesarada la, 2,21)
Mande Sidibe : 31.389
(kemesarada la, 2,01)
Amedi Eli Madani Jalo : 25.584
(kemesarada la, 1,63)
Daba Jawara : 17.156 (kemesarada la 1,10)
Umaru Mariko : 13.718
(kemesarada la, 0,88)
Majasa Magiraga : 12.548
(kemesarada la 0,80)
Yusufu Hasani Jalo : 12.455
(kemesarada la, 0,80)
Modibo Sangare : 11.667
(kemesarada la, 0,75)
Mamadu Gaku : 11.505
(kemesarada la, 0,74)
Madi Konaté : 11.302 (kemesarada la, 0,72)
Modibo Kani Kida : 9.722
(kemesarada la, 0,62)
Mamadu Maribaturu Jabi : 9.101
(kemesarada la, 0,58)
Alimami Silla : 8.851 (kemesarada la, 0,57)
Habibu Danbele : 7.964
(kemesarada la 0,51)
Sanusi Nanakase : 7.829
(kemesarada la, 0,50)
Ibarahima Jakite : 6.899
(kemesarada la, 0,44)
Abudulayi Sogolonba Kanate 6.771
(kemesarada la, 0,43)
A bee lajelen : 1.584.776

Kalatalaw bee lajelen : 5.746.202
Minnu ka kan ka kalaw ta : 2.201.154
Seben tabaliw : 95.359
Minnu bora ma : 541.019
Minnu ye kalaw ta 1.564.776
Minnu yera kene kan, kemesarada la 38,31

JAMANA LAMINI MINISIRISO YE
JAABIFOLU MINNUN DI MEKALO TILE 3

Amadu Tumani Ture : 602.998
(kemesarada la, 27,98%)
Sumayila Sise : 489.957
(kemesarada la, 22,74%)
Ibarahima Bubakari Keyita 445.030
(kemesarada la, 20,65%)
Cebilen Daramé : 84.612
(kemesarada la, 3,93%)
Muntaga Tali : 83.168
(kemesarada la, 3,86%)
Musa Bala Kulubali : 73.470
(kemesarada la, 3,41%)
Shogeli Kokala Mayiga : 59.304
(kemesarada la, 2,75%)
Mamadu Sangare : 44.859
(kemesarada la, 2,08%)
Mande Sidibe : 39.077
(kemesarada la, 1,81%)
Amedi Eli Madani Jalo : 36.056
(kemesarada la, 1,67%)
Daba Jawara : 22.787
(kemesarada la, 1,06%)
Umaru Mariko : 18.454
(kemesarada la, 0,86%)
Majasa Magiraga : 16.806
(kemesarada la, 0,78%)
Yusufu Hasani Jalo : 16.639
(kemesarada la, 0,77%)
Modibo Sangare : 15.771
(kemesarada la (0,73%)
Mamadu Gaku : 15.685
(kemesarada la, 0,72%)
Madi Konate : 15.042
(kemesarada la, 0,70%)
Mamadu Maribaturu Jabi : 12.645
(kemesarada la, 0,59%)
Modibo Kani Kida : 12.539
(kemesarada la, 0,58)
Alimami Silla : 12.660
(kemesarada la, 0,54%)
Habibu Danbele 10.578
(kemesarada la, 0,49%)
Sanusi Nanakase 10.391
(kemesarada la, 0,48%)
Abudulayi Sogolonba Kanate 9.283
(kemesarada la, 0,43%)
Ibarahima Jakite 8.108
(kemesarada la, 0,38%)
A bee lajelen : 154.919

Kalatalaw bee lajelen : 5.746.202
Minnu ka kan ka kalaw ta : 2.216.948
Minnu ye kalaw ta 2.154.843
Minnu yera kene kan kemesarada la 38,58

"Jigiya 2002" mogow

y'u ka ninsongoa jira

Politikiton minnu farala nogon kan ka ke «jigiya 2002» ye, olu ye nogonnajereba do boloda sibiridon mekalotile 4 san 2002 «marisikalo tile 26 tigola ntolacikene kan» Ntolatanyoro fan kelen falen tun don. A dabora ban-jirali kama wotekow la. Tondew ka kumaw tun b'a jira ku diminen don faamaw koro.

Laseli naani kera. Saba folow kera Alimami Sila ni Muntaga Tali ni Shogeli Mayiga fe; olu ye kalafiliw jaabiw kon, jaabi minnu dira jamana maraceboli minisiriso fe. Alimami Sila y'a jira ko benkan minnu tun be politikitonw ni nogon ce, olu tigera. Muntaga Tali y'a jira ko fen min kera Mali kalatako la jamanaba si n'o man kan. Shogeli Mayiga y'a jira ko wotekow ka b'a ma sabu u'kecogo ma ne.

Ibarahima Bubakari Keyita y'a jirako fen bee kera walasa K'ale den kete fe. A K'ale kera folo ye kabini kalaw tako folo la. A ko woteko to kera Mali la ka mogo sugandi, ben kera mogo min kan dibi la.

Nka Ibarahima Bubakari Keyita y'a jir'a ka mogow la k'ukan'ubila faamaw fe.

A y'a jir'a ka mogow la k'u kana mankan ke, i n'a fo dow y'o nini cogo min na.

«Jigiya 2002» ye pariti 15 jelen ye. U ka cebu tun ye 6 ye wotekene kan: Modibo Sangare, Majasa Magiraga, Muntaga Tali, Shogeli Mayiga, Ibarahima Bubakari Keyita ani Alimami Sila.


Nka "jigiya 2002" y'a f'a ka mogow ye k'u ka wote ATT ye kalata filanann na.

"Jigiya 2002" ka nafa jumen b'a farali la Amadu Tumani TURE kan ka fanga nini? "ERIPEMU" peresidan ka fo la malidenw doren de ka nafa ka gelen olu neña.


ATT nali fanga la san tan jemufanga kofe, yala o te politikitonw ka seginko ye wa? "Jigiya 2002" nemogow ka fo la, o kera ko labennen ye Alifa fe, ka fanga nagasi politikitonw bolo. Min y'u ka jaabi sorenwen ye, kerenerenneny la Shogeli Mayiga ni Muntaga Tali, "Jigiya 2002" nemogow y'a jira k'olu te jaabi soren minnu jate, olu lakodonnen don cogo min na kalataw jaabiw m'o jira o cogo la.

Salimu Bajaga
Badama Dukure

Peresidansigi kalata fob jaabi labanw



Sumayila Sise : Musa Bala Habibu Danbele : Mamadu Ibarahima Jakite: Amédi Eli Madani
333.525 Kulubali : 50.211 7.964 Maribaturu Jabi : 9.101 6.899 Jalo : 25.584



Yusufu Hasani Daba Jawara : Cebilen Daramé Mamadu Gaku : Ibarahima Modibo Kani
Jalo : 12.455 17.156 62.493 Bubakari Keyita Kida : 9.722
329.143



Abudulayi Madi Konate: Majasa Magiraga Shogeli Kokala Umaru Mariko : Sanusi Nanakase
Sogolonba Konate 6.771 11.302 12.548 Mayiga : 42.469 13.718 7.829



Mamadu Sangare : Modibo Sangare: Mande Sidibe : Alimami Slla : Muntaga Tali : Amadu Tumani
34.603 11.667 31.389 8.851 58.695 Ture : 449.176

San 2002-2003 ciké Kanpani

Nin tun y'a siñe filanan ye togodaw yiriwali minisiriso ka kapani dayele (2002-2003) Bagineda bôlonaaniforow la, n'o ye (OPIB) ye. «OPIB» dabokunw ye sene ni baloko lakanali ye ani ka togodalamogow kalan sene kecogow la, ka senetow yiriwa, ka senedugukolokow n'ebabani ka togodalamogow ka lahalayaw sankorota.

«OPIB» be dugu 22 kono; olu mogo bee lajelen be ben 18.430 ma. Yamaruya dilen don mogo 2800 ma, olu ka taari 22.319 ciké. Sumanw ye taari 2000 ye; jiriforow ye taari 632 ye; yoro senebaliw ni bagangenyorow ye tari 15.185 ye.

In'a fo an 2001-2002 kanpani y'a jira cogo min na Bagineda yoro in ye malo toni 701,6 soro ani kaba toni 1218,3 ani no toni 148,5 ani kenige toni 926 ani tiga toni 60,6. Ni sene te yen waati minnu na u be malo taari 29,5 ciké ani kaba taari 62,45 ani nako taari 636,45.

Togodaw yiriwali minisiri Madamu Sise Mariyama Kayidama Sidibe taar'a neda jidonyorow tijecogo kan. Binjugu fana be ka ko to juguya. «OPIB» n'mogo Saruku Sanogo da sera yorow tijeni ma ani senekelaw ka minentanya ani mogow cayali senedugukolo ma.

Nka senekela dôw y'u nesin kabasi ma n'o ye «denbanuman» ye ani malo min be sene. Kabasi kofolen in

ka ni cogo min na, mogosi te son ka ka kabasi feere, bee b'a ta dan, k'a to dun kongo waati la.

Madamu Sise taara Dawuda Tarawele ka foro kerenkerennen laje «denbanuman» in kama. Dawuda yere nisondiyalenba tun don. Daramani Wedarawogo fana ta tun be ten. Kabasi in kabako yayoro ye min ye, fen minnu ka jugu kaba ma, olu yere de be senekela ka baaraw nogo'a bolo.

Minisiri taalen a ne da yorow kan a sorola ka kanpani kura (2002-2003) dayele. Sumanjalan toni miliyon 3,1 ka kankaka sorokanpani in na, malo y'a la toni 880.000 ye.

Gelyaw n'u taa bee a jirala ko kanpani in ka fisca cosebe bawo suman min sorola la, o be se toni miliyon fila ni 865.000 ma. 2000-2001 ta kera miliyon 2 ni 309868 ye. Kemesarada la do farala sorota kanni 24 ye.

Nedonbagaw ko kanpani dayeleli ni sababa benna sabu deme bena ke senekelaw ye.

Kanpani 2002-2003 nicogoyaw ninini bema ben korenfela dugukolotonw ma, minnu tun be ka sene segin kofe. Baaraw bema boloda ka ntamaroko fana sabati, walasa ka senefew suguya caya ani ka tumutukaw ni gawokawn kidalikaw ka sorowyiriwa.

Moriba Kulubali
Badama Dukure

Dine waribonba be ka Mali deme faso nafolodun keleli la

Alamisadon, san 2002 awirilikalo tile 4, dine waribonba ye seben kerenkerennen do di Mali jamanakuntigi demebaga ma min kono nesinnen don Faso nafolodun ni yurugu-yurugu walew bee keleli fecrew ma.

A jirala ko peresidan Alifa Umaru KONARE yere de y'a nini dine waribonba fe a ka hakilijagabo ke nin walejugu in kan min be Mali bone sefawari miliyari 6 ni tila la san o san. Banki Monjali baarakela faamuyalenw ye feere minnu boloda faso nafolodun ni yurugu-yurugu keleliko la, o feere kerenkerennenw de be seben kofolen kono min dira peresidan Alifa Umaru KONARE masurunya demebaga ma. Dine waribonba ka ciden yamarualen min be Mali la, n'o ye Editi PERESI ye, o yere ka foli la seben in te bagabagli ni kunnadali seben were ye. Seben min don, walejugu in sidonni n'a kelcogo lajiniw de b'a kono. O la, taabolo saba de b'a la :

- folo ye dansigili ye nafolodun na;
- filanaye nangili wajibiyali ye mogow kan, nafolodun na n'ogonna walejuguw mana jo minnu na. An kana dan u kofoli ma.

- sabanan ye jelena ni tilennenya matarafali ye forobaba raw bee la. Ob'a jir'an na ko Banki Monjali be min nini o ye jamana marali ye ni feere numan ye min be sojeni hakili bo fasodenw bee kono ka yiriwali ni netaa sira waga bo konuman.

Dine waribonba ko yurugu-yurugu te dowerye n'mogo ka dantemew walew ko u yere doron ka nafaw ninini sira kan. Ube se k'oweleya foroba nafolow labaarali sira kan wali baaraw dito kenyereyew ma wali kiiritigekow ni duwanne baaraw ni politikikow ni forobaba raw werew.

A jirala ko seben kerenkerennen in bema di Alifa Umaru KONARE ma cogo minna, a bema di peresidan kura fana ma min bema sigi a no na.

Bakari Kulubali
Basiriki TURE

Sefawari miliyari 4,2 sorola ka ji saniyalen lase ñoro ni Jema yoro 21 na.

Faransi ye sefawari miliyari 4,2 di Mali ma, walasa ka ji saniyalen lase ñoro ni Jema yoro 21nan. Faransi ka lasigdenso baarakela do Madamu Zoweli Araye ni Mali ka kôkankow ni jamana kôkandenw minisiri Modibo Sidibe y'u bolonow bila o benkanseben ninnuna. Nin poroze in bema ke sababu ye ka labenw sabati walasa mogo 76.000 ka ji numan soro togodaw la ani ñoro ni Jema serikiliw kerefelaw la.

Poroze bilala maraseginso kadara

kono, sabu yoro kofolenw denw minnu be jamana kôkan, baara in ma k'u si ko. Nin koje be fisaya musow ma cosebe, a be ke sababu ye k'u dege jibaara caman na. Minisiri Modibo Sidibe y'a jira ko nin be ke sababu ye ka togodalamogow ka kene yako sabati. A k'a hakili b'a la ko nin nogon poroze werew bema laben.

Sann'o ce Madamu Zoweli y'a jira ko nin b'a jira ko Faransi hakili be Mali ka jiko la.

Yusufu Dunbiya ni Badama Dukure

Bee lajelen wulilen don Seno Korima nof

Maraseginso ye kominkow nənabo; nka a nana ni geleyaw cogoyaw ye cogoyaw te minnu na, in'a fo geleya min be Dayibata alimami ka du ni du tow ce.

Maraseginso baaraw waati la alimani n'a ka denbaya togow sebenna Atara fe. Maraseginso ye nin dugu in bo Yuwaru arɔndisiman fe k'a bila Sinpi fe n'o be Nafunke mara la. Dugu tow sebenna Geneyi fe n'o ye Urantari dugu 7 do ye (Sakamara, Siman, Koyira, Jenna, Piriso ani Sipina) minnu be Seno Korima labaara min dugukolo ka ni, n'a be Yuwaru Komini fe.

Dayibata cikebugu sigilen don Seno Korima kono min kalifalen don laadasira fe Gereyi dugutigi ma.

Sefawari miliyari 4,2 sɔrɔla kajisaniyalen lase Nɔrɔ ni Jema yɔrɔ 21 na.

Faransi ye sefawari miliyari 4,2 di Mali ma, walasa ka ji saniyalen lase Nɔrɔ ni Jema yɔrɔ 21nan. Faransi ka lasigidenso baarakela do Madamu Zoweli Araye ni Mali ka kɔkankow ni jamana kɔkandenw minisiri Modibo Sidibey ubolonow bila obenkansében ninnu na.

Nin poroze in bëna ke sababu ye ka labenw sabati walasa mɔgɔ 76.000 ka ji numan sɔrɔ togodaw la ani Nɔrɔ ni Jema sərikiliw kerefelaw la.

Poroze bilala maraseginso kadara kono, sabu yɔrɔ kɔfolenw denw minnu be jamana kɔkan, baara in ma k'u si ko. Nin kɔne be fisaya musow ma kosebe, a be ke sababu ye k'u dege jibaara caman na.

Minisiri Modibo Sidibe y'a jira ko nin be ke sababu ye ka togodalamogow ka kenyako sabati. A k'a hakili b'a la ko nin nɔgon poroze wərew bëna laben. Sann'ce Madamu Zoweli y'a jira ko nin b'a jira ko Faransi hakili be Mali ka jiko la.

**Yusufu Dunbiya
Badama Dukure**

Alimami ye ko bee ke ka dese walasa ka duw togow seben Atara fe. Tuma minna a desera a ye wele bila Yuwaru. Kiiritigeso ma walasa a be se ka dugukolo in dɔsɔrɔ bɔlɔnaaniforow be ne yɔrɔ min na.

Kiiri da diyara waramirari la; alimami ye wele were bila Moti kiiritigesoba ma. O y'a jira ko a yamaruyalen don ka baara ke yɔrɔ la Geneyi dugutigiye yɔrɔ min singa a ma. Alimami y'i banban ka se fo Bamako kiiritigesoba ma. O seginna Moti ta kan, k'a sabati k'o ye de tijé ye. Ikokiriitigelaw ma tijé d'a ma, alimami y'a ke diyagoya ka yɔrɔ bee nsisan. Aye yɔrɔ were nini Jalina, bada kerefe. komini ka baaraw taabolo b'a jira k'o yɔrɔ in ka kan ka ke Uramitari dugu 7

ka bɔlɔnaaniforow ye. O baaraw tun ka kankaka damine san 2002 marisikalo la. A y'a mago b'o kɔne na ka wele bila Z.T.Z. ma, olu ka yɔrɔ in labaara. Uramitarikaw fana dimina ka yɔrɔ in baaraw bee tijé.

Kabin'o kera, alimami, atarakaw ani fangalamogow ni maramafew dagalen donna yɔrɔ in na walasa a be se ka labaara cogo min na.

Uramitakaw dusu kelen k'u kene, olu ye mogow wuli ka taat tijeni ke. Komini mogow fana wulila k'u jo. Dɔw fana taara Atara. Tuma min na a nɔfɔra Yuwaru nɔmogow ye, olu ye komini fila mogow sigi. O nɔgonye kera mairisikalo tile 27; o ni sababa ma ben. U be yɔrɔ min na sisan bənbaliya dan don u ni nɔgɔn ce.

**S. Sise
Badama Dukure**

Sefawari miliyari 1,65 dira kalataw kama

Jamana kɔkankow minisiri y'a jira ko Zapɔn ye sefawari miliyari 1,65 di Mali ma walasa ka kalataw laben. Seben y'a jira fana ko Zapɔn be Mali demebagabaw cela.

Zapɔn ye wari caman di jamana ma minnu te sara i'n'a fo : sene, keneya, kalankow, sigidalabenni, togodalamogow ka jiko ni baganmarako ani dugujukɔronafolo siratigew la. San labanw ma Zapɔn ye poroze dɔw sigi sen kan,

sengelenko kama, Katiji saniyalenko ani Korofina Nɔri jiko ani dugumalakolisow joli Bamako, Segu ani Moti ani ka pɔnpekolon 80 sen Kat, Kangaba ani Kulukɔro marawila. San 2001 na Zapɔn ye wari min di Mali ma a be se sefawari 10,56 ma. San 2002 ta ka ca ni sefawari miliyari 14 ye. Nin bee taara kalanko, soro labenniko ani mara kɔcogo numan ni KUPUDAFIRIKI labenw na.

Badama Dukure

Taransipɔrɔ mobilibolilaw ka baarabila



Baarabila tun ka kan ka ke tile saba ye, nk'a danna tile kelen ma; o diyara jamaye k'sababu ke tile farinyakojugu ye. Sigikafokelen son kera taransipɔrɔ mobililitigw feta caman ma. Polisiw tun be nangilijugu minnuta k'u segeré, olu banna. Nin tun ye damine ye. Ni son tun ma k'u ka fotaw ma baarabila

tun be ke kugayi ye. Kɔlosiliw be se ka ke yɔrɔ minnu na, olu dantigera k'u ke 35 ye jamana fan bee fe. Yɔrɔ kerenkerennew fana mobili kɔlosiyɔrɔwka 39 ye.

Sebenw y'a jira ko fanga be polisiw yamaruya ka mobili cogoya fesefese ani sebenw minnu ka kan ka ye mobili la ani mobilibolila bolo, siraba sariyaw siratigew la. Sebenw y'a jira kopolisiw tun be fesefese banbali minnu ke, k'olu dabilala. Nka u be to ka bala ka fesefesiw ke.

Tuma min na nin sebenw dilanna ka bolonow bil'u la bee sawara.

**Mohamed Tarawele
Badama Dukure**

Bagandumuniko geleyara

An be don min na i ko bi geleyaba b'anw kan turutoko la. Anw ye turuto bore 150 wari sara; o benna döröme 82950 ma; a saralen ka ca ni kalo ye; nka halibi an ma turuto soro; an ye wari d'an ka nemaaw ma.

Ne miiri la baganw be labalo sanni samiyé baaraw ka damine. N'a fóra ko samiyé seto file ka soro bagandumuni ma soro, o ye geleyaba ye. Don o don juraw be mobiliw fa turutola ka t'a feere jamana werewla, ka soro anw ka baganw fasalen b'an bolo. N'a fóra ko turuto te soro n'i ma wari sara, wari fana ka sara, i t'i ka turuto soro, o ye baara ye de !

Manan Keyita
Sítantumu Kita

Maraseginso kera faantanw na

Maraseginso ker'an bolo kabako ye, sabu anw ma here si sora' kono. Fen o fen tun ye döröme kemé ye, o bee kera kemefila ye. O temenen kofe maraseginso kera kojuguba y'anw faantanw bolo. Mun na ?

Faantan mana nson min'a bolofen na, n'itaara n'a ye merifeyen, o'ta ko sebe mine; n'i taara n'a ye zandaramawfe yen ub'a bila, kobalo t'u bolo ka d'a ma kasol la. Anw faantanw ka lajiniw ma ke maraseginsoko la de ! Hali bi an b'a ninjamana faamaw fe u ka wuli k'uo walasa do ka se ka bo nsonko la. N'o te anw ma fosi faamu maraseginso la. Ala ka here k'an ye !

Lamini Danbele ka bo Manlura San

Suteli te horon danbe ye

Furucéw ni furumusow ka sabali. An be don min na i ko bi, ni muso min n'a ce kelela o b'a ka minenw siri o yoro bee ka t'a faso la. O man ni de ! Muso n'a ce mana fo nogon k'o o kumaw ka kank ka fo k'uban ka n'a ma ke minesiri ye, sabu i be t'i fa da don kuma caman na; ce fana fa da be don kuma caman na, nin si te sebeko ye.

Konba Jara ni Karija Kumare
Sananko Falaje Kati

Danfara be senekelaw ni nogon ce.

A fóra ko senekelaw ye Mali josen ye; senekela ma bo senekela la. N'i ye jateminé ke i b'a soro danfara be senekelaw ni nogon ce. N'i ye senekelaw sigi kemé - kemé, danfara be 85 ni nogon ce; koorisenelaw ta ye 85 ye; a to ye 15 ye; oluyemalosenelawye. Nosenelaw ma jate.

Ne b'a nini goferenaman fe a ka koorisenelaw deme ani malosenelaw
Lamini Danbele
Manlura Fijo San

«Koperasiyon Mali zapón»

«Koperasiyon» Mali Zapón» nana pönpelol dösen an ka yoro la. Nka fen min y'an kamanagan, kolonsennaw nana don min na n'o benna karidon ma san 2002 desanburukalo tile 9 hal'u ma mögo fo, wa kuma ma teme u ni dugutigicé. U nana ka sin kolonseyoro ma, ka kolon sen k'a bila jila ka soro kuma ma teme u ni mögo si ce.

U ma dugu dumuni dun. O de y'an kognan, sabu mögo min be baara numan k'i ye i ka kan k'i seko k'o tigi ye. An bora ka t'u segeré; an hakili la u ben'an bila baara döw la u kerefe, nka hali u m'u kun körötä k'an file.

Basiru Kulubali
Sananko-Falaje-Kati

Kibarusében feereli

Nenisondiyalen be nin bataki ci Kibaru nemaayaso, k'a ladonniya ko n ye kibarusében feereli damine san 2001 zanwiyekalo tile 9. N tun ye geleya döw soro i n'a fósanni cogoyaw mögöw fe. A tun te san kosebe. Nka sanbaliya tun ye mögöw degebaliya ye a sanni na. An be do min na i ko bi a bee be san k'a ban pewu. O ye ne Solo nisondiya kosebe. Ala k'o ke netaa ye.

Solo Jenfa Kulubali
Sananko-Ncibaso-Kati.

Marifako ka kan ka laje

Forobafangako kera geleyaba ye k'a sababu ke kana te jamana kónotugun. Ni marifa dulonlen te min kera la, a b'o posí kono; o tuma bee ta ker'i yere ye. A ka c'a la döw ta ye binkanni ye. Musa Tarawele ka waati la marifa santa tun man ca; nka sisán a ka ca. Folo n'i tun y'a san, seben tun be k'a la, nininkalicamantun be k'ila; n'oy'a soro i te keletigela ye, walima yuruguyurugumogo t'i ye; marifa be soro ka d'ima. Nka sisán marifa caman santa be suguw la. O te kojuman ye de ! Oko ju ye goferenaman ye. Sisan n'a fóra ko minte ke, ni mögo do y'o ke, fen te b'a la. Bee b'a nini k'o fen kelen ke.

Nemögöw fana te sariyaw don. Sariyaw ka kan ka seben bamanankan na k'u di dugutigiw ma, sabu dugutigiw te sariya don sanko duguden.

Yoro Sali Arajodilanna
Binan Merijela-Buguni

Segin ka kan ka ke tasumadon sariyaw kan.

Nin ye kunnafoni ye k'a da faamaw tulokan, sariya mintun betasumadon kan folo n'u ma segin a kan, tasumadon bilama juguyalen don kosebe.

Folo ni faamaw tun ye tasumasisi ye u tun b'a ke cogo bee la ka tasuma donbaga nini k'a ye, k'a mine. Fo segin ka k'okan, bawobaganwbaloko geleyara.

Andere Kane
Tilelaji Kolokani

Jiri tineni

An fe yan Surukun Gangaran fula misitigiw kelen don k'an ka kungo jiri nafamaw bee tige. Ni feere ma nini o jiritigeba la, a meen o meen an ka kungo be ke sahelikungo ye. N'o dun kera an ka jamana ka seneko be nagasi. Ni jiriw bee tigera sanji te na de ! An ka jamana ka here t'o la.

Banba Jara Surukun Kita

Bagandogotcōrōw tōgō bē ka tīnē

An bē don min na i ko bi, ko dō bē ka k'anw fē yan, o tē hērē ye. Bagandogotcōrō dō bē yan, o ye diyagoya fanga sigi Kita santarali bagantigiw kan, fo ka baganmara nege b'u la. Sabu kalo saba o kalo saba, a bē wuli ni bagansogoko ye. N'i kowari'ibolo, a ka waati wēre boloda, a tē sōn, wali n'a sōnna yērē a b'a f'iye k'i k'a wulili musakaw sara kilomētē kelen ye dōrōmē kēmē ye.

Nin si tē baasi ye. Baganbana min ka jugu kōsēbē n'o ye jōntē ye, o fura t'a bolo. Ni mōgō min ma sōn nin si ma a bē sandaramaw wul'i kama; o takisi ye dōrōmē 3800 ye. A nē mana fōmeri ye, o tē se ka cogoya si sōr'a la.

Pate Boli
Arajo Sabali nēmōgoba
Danbanna Kita.

Gēleya saba b'anw kan

Anw fē yan Jankara gēleyaba saba y'anw sōrō ninan. O gēleyabaw file : Gēleya fōlō ye Ala nō ye. O ye sanjiko ye min kōnna ka tīnē. Ninan jankara yan nō o, kaba o, kōori o, u si ma nē.

Gēleya filanan ye sojēni ye; o ye kojuguba ye Jankara n'a kērefē duguw la. Sojēni bē ke forow kōnō; o kōni ye kabako ye.

Gēleya sabanan ye tasumadon ye.

Cēmōgo Jara
Jankara Banko - Joyila

Faamaw ka sēgesēgeli ke

Ne b'a nini faamaw fē minnu bē sirabadaw la u k'a laje ni sungurunnin min bē taa taama la, u o nininka karidantela, n'oyebugunnatigēsēben ye, n'o tē min bolo o kana tēmē. N'um'okēmusomannin yēresagokēw bēna musocē caman dusu kasi. Nifaamaw ye nin kētaama bē nōgoya.

Andere Kans
Tilelaji Kolokani

An ka baara ke ni hakili numan ye

Sēmudete nana Kita mara la ninan y'a san 7 ye. Tōnjekuluw sigira dugu bēs lajelen kōnō, ko «aw». Gēleya donna «aw» caman kōnō Kita mara la, baara yērē sariyaw sababu la. Nēmōgōw nana ni tōn kuraw ye ko «a p s» ka bila «aw» no na.

Anw tun ye tōnkulu kelen ye dugu caman na. Nka a fōra ko «a p s» tōnkulu bē se 2 walima 3 ma dugu kelen kōnō. Anw ye kura ye sēmudete la; an ka cēsiri kera kura ye walasa tōnjekulu ninnu ka ke fadennumanw ye. Mun bē se k'o ke ? Hakili numan, munu, sabali ani kōnōjelenya. Ne b'a nini cikēlaw bēs fē an kana fadenyajugu don tōnw ni nōgōn ce.

Seriba Dunbiya
Balikukalankaramōgo
Nafajikura Kasaro

Diyo-Gari bēnbaliya

Ne ka foli bē ka taa Burama Sidibe ye, k'a sababu k'a ka bataki ye min bōra Kibaruseben 347 nan kōnō. Burama Sidibe kumara Diyo-Gari dugu wolonwula mōgōw ka bēnbaliya kan. Burama Sidibe ye baara numanba ke nin ye; ka kuma mōgōw ni nōgōn ce walasa u bē bēn cogo min na. Kibaru dabora nin de kama.

Ala ka bēn sabati Diyo-Gari dugu wolonwula mōgōw ni nōgōn ce.

Basiru Kulubali
Balikukalankaramōgo
Sanaku Falaje Kat.

Gēleya saba b'anw kan

Anw fē yan Jankara gēleyaba saba y'anw sōrō ninan. O gēleyabaw file : Gēleya fōlō ye Ala nō ye. O ye sanjiko ye min kōnna ka tīnē. Ninan jankara yan nō o, kaba o, kōori o, u si ma nē. Gēleya filanan ye sojēni ye; o ye kojuguba ye Jankara n'a kērefē duguw la. Sojēni bē ke forow kōnō; o kōni ye kabako ye.

Gēleya sabanan ye tasumadon ye.

Cēmōgo Jara Jankara Banko Joyila

Samiyē ma diya anw fē yan

San 2001 samiyēko gēleyara yan sabu sanji tigera ka sōrō nōw woloto don. Okēra gēleyaba ye Bana cikēlaw bolo ! Ci kera fōk'a dōn ko ci kera nka sanji dēsē ye mōgō caman nōntanya, ka sōrō baarakēbaliya tē. Kabini san 2001 kalo 12 nan, dōw ye nō sanni damine. Tīnē na o gēleyara kōsēbē; w'ōt'a bannen ye ! Nōsanta dōgoyara jamana kōnō kōsēbē. O la min jōrē bē ne la o ye samiyē nata baaraw bolodacogo ye, sabu bōrē lankolon tē se ka jō. Cikē bē bōkōbarā fali de la. O la, n bē min fō cikēlaw ye samiyē nata la o ye kōnkawuli ye samiyē baaraw fē, walasa kōnōbarāw ka fa u facogo kōrō la. Mōgō tē saya jōrē ka toli jōrē. Ji bōnnen ka fisa daga cilen ye. Mōgō tē kaba minē ka yegerun minē. Ala ka san 2002 ke sōrō san ye.

Jōfan Jara
balikukalankaramōgo Bijan Mērijela.

Kōoriw ma ce sanko ka wariw sara

Kōori sōrōla kōsēbē san 2001 - 2002 la. Nka sēnēkēlaw ma nisōndiyaba sōrō fōlō k'a sababu ke kōori bēs ma ce. Kōori wari caman ma sara.

Nin b'a jira ko bēnkansēben minnu temena sēnēkēlaw ni sēmudete ni gofērenaman ce, olu ma waleyā. Sēmudete tun y'a jira ko kōori cēlen tile 15 wari bē sara; ko hali ni kōori ma ce a wari bē sara. Nka bi kōori wariw sarabali ka ca; kōori caman ma ce.

Siyaka Kumare Balikukalankaramōgo
Fiyena Kulukōrō.

Tasumadon ye kojugoba ye

Tasumadon kelen don an ka lamini na sangawuli ye. Sanga ni waati bēs i bē tasuma nōrō ye i ni dugu ce. An bē san 5 bō bi bagandumuni tē sōrō; okēra sababuyeka sēnēkēmisiw sēgen kōsēbē. Wa faantan tē se ka cikēmisi balo ni kōrikolo ye bilen. Dunkafa tē sabati fō baganw ka fa.

Basumana Tarawele
Dēnēnba Nāmina

Suma ye mun ye ?

Suma ye bana ye sosow be min bila mogo la. Dijne nininikelaw ye suma kun jini k'a don san 1880 ko fenjenamanin do de ye suma ju ye. A sabatira u bolo o kofe k'o fenjenamanin be bo hadamaden do la ka yelema hadamaden were fe sosow ka cinni sababu la, n'o ye sosomusow ye n'u be wele ko «Anofeli», minnu mago be joli la k'u fanw labalo.

Dijne seleke naani na, sanko desebagato jamanaw kono, mogo mana sigi kemem-kemem, 40 b'olu cema. suma be minnu nogori. Bana in tun jensennen don kosebe folo, nka a silatununna Farajela setigi jamanaw caman kono san 1900 cemance la. Suma jonejnen don funtenijamanaw

de kono wa san o san a be mogo miliyon 300 mine minnu cema mogo miliyon 1 nogonna sata be bo a la. Afiriki jamanan minnube Sahara jukoro, olu denmisew tilako 100 sigiyoroma 90 de ye suma ka mogofagataw ye dijne kono. Nekomiko kelen o kelen be ben farafinden kelen sali ma suma bolo. Ajirala fana komelkenincaman minnu be porokoto sumabana na, k'olu caman be ke fidgetow ye, sanko kunkoloyanfan na. Musokonoma ni kono baraladen ke ka teli ka suma soro. O de be na ni denw seginni y'u k'ani minnu mana wolo, olu girinya dogoyali ni jubaatow fanga banni. Taamaseere dow y'a jira ko suma be ka jense dijne mara kuraw kono ani yorow la a tun kelola minnu kono k'a

ban. Dönnikelaw y'u ka jore jira o ko la. An ladonniyara ko suma banakise be don mogoninfir farikolo la ni sosomuso «Anofeli» y'an cin joli nofe a fanw labaloli kama. A be fenjenamanin min bila joli la, o be yelema kaman ke, minnu senfe a be bije ni jolikisew tije, ka tila ka sawura were ta min b'a to a be yelema soso were fe n'o ye suma banabaato do cin. Banakise in be yelemai kuraw ke soso farikolo kono, f'o fana ka se K'a yelema hadamaden do farikolo la. Suma taamasiyenw be damine tile 9 ni 14 ce sosomuso «Anofeli» ka cinni temenen ko. A ka c'a la suma be damine ni fariganw ni kunkolodimi gelenw ni foconw n'u nogonnaw ye. Furakebaliya walibananakisew delilifura tataw la, o be laban saya la. Suma be se ka mogo faga n'a y'i jolikisew tije k'i fanga ban wali k'i jolisiraw geren, minnu be joli lase kunkoloseme ni farikolo yoro kerennetrennen werewla. Sidabana ni sogosogoninje ni suma ye geleyabaw ye kenya sabatili la desebagato jamanaw kono, u be dankari minnu ka netaa ni yiriwali baaraw bee la. A kolosira ko fura caman be yen, minnu si te mago ne sumabana furakeli la, bawo banakisew delila olu la; fenjenamafagalanan caman fana b'o cogo la, minnu te se bilen ka sosow faga, sanko sosomusow «Anofeli» minnu be suma bila mogo la.

A be san caman bo nininiw be ka ke suma bolocijiko la, nka halisa jigiyaw ma fa. Nininikelaw wajibiyalen don ka do fara u ka cesirijala jijali kan, walasa sumabana boloiciji nafama ka soro hadamadenw ni kisili kama.

A dönnen don ko feere caman tigera dijne kono suma furakeli n'a kumbenni kadara kono, bolodijogonma joyoroka bon minnu ma ka fusiri bana in n'a nankataw la, sanko Afiriki jamanaw kono. An file yoro min na, sankew sulen fenjenamafagalaji la, o kera sababu ye ka sumabana yelemai nogoya ani ka caman bo a ka melekennin saya la. Musokonoma n'u denw fana be ka lakana cogoya sugu bee la, walasa k'u kisi suma masibaw ma.

Sanni tuguciji numan ka soro suma konnina, dijne nininikelaw ni dogotorow be k'u jeniyoro fin bana in kasaaraw dogoyali la.

OMESI
Basiriki TURE

Sumako Afiriki kono

Suma be mogo caman minnu faga farafinna, olu fanba be Sahara tilebinyanfan fe. Suma be soro nagasi o yoro kelen na. A be nafolo min tije soro la o be se sefawari miliyari 12 ma k'a soro o wari hake yere tun be se ka jonteko silatunun. San o san jonte be mogo hake min mine k'a juguya kosebe, olu be se mogo miliyon 300 ma; olu la miliyon 1 ni kobe t'a la. Kemesarada la saya 90 be ke farafinna, sanko denmisennin fan fe.

N'i ye denmisennin ta minnu si ma se san 5 ma, kemesarada la, i b'a soro 20 sata be bo suma la. Kemesarada la, keneyakomusaka 200 be taa suma dafe, 30 ka se 50 ma dogotorolataa sababu y'a ye; dogotorosobaw kofe, u be se 50 ma.

Jonte norolen don farafinna na k'a sababu ke wale damadow ye. Suma min be farafinna o de ka mogofaga ka teli k'a sababu bo soso la, min b'a lase mogo ma.

Jamana caman fana be farafinna ciyakeminan te minnu bolo, ni nafolo fana tu bolo walasa ka soso kelle. Caman fana be yen minnu ma deme sor'a ne ma.

An be don minna ikobi a faamuyalen don ko suma ye faantanya sababu fana ye. Jonte be yoro minnu na, olu ka faantanya ka jugu yorow ta ye a te yoro minnu na. Sorojedonbagaw

y'a jira ko kemesarada la jonte be min tije farafinna soro la, a be se 1,3 ma. Wa ko suma dadigilen don denmisennin ka lakoliko fana la ani baarako sabu n'a b'il la, ite se ka taa yoro si.

Jonteko geleya yere min be farafinna bioye furakelikoye; ajiralakoniwakini te fosi ne tugun, o min da ka nogon ni jontefura tow ye. O kama jamanan caman yelemaru furaw kan sisani minnu da ka gelen. Benkan min kera dijne kono, o y'a jira ko farafina nemogow ku nesin sumako ma. San fila o kofe jamanajemogow ye nogon soro Nizeriya faaba do kono n'o ye Abuja ye k'a laje ka do bo, hali n'a ker'a tila ye, suma ka fagali la sanni san 2010 ce farafinna jamanaw kono. O kera sababu ye ka kuntilemma damadow sigi sen kan i n'a fo musokonoma ka jonteko anijonte be se ka kunben cogo min na.

Abuja kofe baara caman kera ka noba bo. Jamana minnu ye takisiw bin, n'olu wusuruwyelenna sanke sulenw kan, minnu be soso faga, olu be se jamana 10 ma. N'i ye jamanaw tila saba ye tila kelen ye feerew tige walasa ka suma kelle ni Abuja hakilinaw ye.

Nin kunnafoni bora dijne seleke naani tonba «OMS» ka seben kono min jessinen don keneyakow ma.

OMESI Badama Dukure.

SIDA nangata ka bon Afiriki Saharayanfan jukorō jamanaw kōno.

Dijē jamana hōrōnyalenw ka tōnba bolofara min nesinnen don SIDA kēlēli ma «ONUSIDA», o y'a jira ko Afiriki jamana minnu bē Sahara jukorō, bana in nangata ka bōr'a yen ka tēmē dijē yōrō tow kan. Misali la, «ONUSIDA» kajatemiñēbora kan ko SIDA banakise bē hadamaden miliyon 40 minnu na dugukolo kan, Afiriki mara kofolen in jamanaw banabaatow ni banakise bē minnu na, olu hake ye miliyon 28,1 ye. Kēlē ni kōngō ni faantanya dadiglen don cogo min na farafinw na, Sida fana te k'u to yen, bawo ninan san dōrōn kōno, hadamaden miliyon 2,3 sata bōra banajugu in na farafin jamanaw kōno.

A jirala ko Afiriki jamana minnu bē Saharajukorō, olu ka waati in caya bēe juba yē sida yē, bawo a ka mogofagataw ka ca ni bana tow ta ye, «ONUSIDA» ka foli la. An ladōnniyara k'a bē ka farafinna baarakela faamuyalenw daji cogo bēe la, i n'a fo lakolikaramogow ni dōgōtōrōw n'u nōgōnnaw. A bē ka funakeninw bōne u ni na, olu minnu ye an ka jamanaw semejiriwyē, ka dōfaraanka faantanya kan don o don ka t'a fe. «ONUSIDA» y'a jir'a ka seben kōno ko sida bē ka dankari Afiriki yiriwali siraw bēe la. San 2001 kōno, Afiriki mara kofolen in na, sida banakise donna mogō kura minnu joli la, o hake ye miliyon 3,4 ye. Ajirala k'o mogō fanba ye musow ye. Afiriki - di - Sidi jamana de sidato ka ca ni dijē jamana tow ta ye, bawo a jirala ko n'i ye sidafiriki mogō 9 jo, i b'a sōro sida bē mogō 1 na, n'o be ben sidato mogō miliyon 4,7 ma jamana mumē kōno. U ka mogō faamuyalenw ka jate la san 2000 laban na, i mana musokōnomaw kēmesarada, i b'a sōro Sida banakise bē 24,5 la. O nininikela kelenw ka foli la, san 2000 kōno, banbagato 4 cēma, i b'a sōro mogō 2 sata bōra sida la.

«ONUSIDA» k'okerefe, Sida banakise bē balikuw hake min na Bosiwana jamana kan ani a ye mogō minnu bana k'a ban, o ka ca ni dijē yōrō bēe ta ye, bawo n'i ye yenkaw jo kēme, kēme, i b'a sōro baliku 35 ye Sida banakisetow walima banabaatow ye. Minye Malawi

ni Mozambiki ni Siwazilandjamanaw ye, mogokoroba minnu si bē tēmē san 40 kan, olu hake ka dōgo.

An kerefe, Farafina tilebinyanfan na, Kodiware sidako de ka jugu kosebē, bawo hadamaden miliyon 15 minnu bē o jamana kōno, sida banakisetow ni banabaatow hake ye miliyon 1 ye. «ONUSIDA» ko tuma min na, nogoya bē ka don Uganda ni Zanbi ni Senegali sidako la, baliku minnu ye banakise ni bana sōro Afirikitilebinyanfanjamanaw kōno, o ye 5 ye, kēmesarada la, sanko Burukina Fasoni Kameruni ni Kodiware ni Togo ni Nizeriya.

A jirala ko Nizeriya Sida banabaatow hake bōra miliyon 2,7 la san 1999, k'a kē miliyon 3,47 ye san 2001.

Farafin jamana 16 kōno, a kolosira ko sidato 10 cēma, i b'a sōro 1 ye mogōw ye, minnu si bē san 15 ni 49 ce. Denmisennin saya fana bē ka caya sida sababu la, bawo denbatigi banabaatow b'a yelēma u denw fe. San 2001, nowanburukalo laban na, «ONUSIDA» ye Kameruni ntolatanna waraba Oroze MILA k'a ka Afiriki lasigiden fōlō ye sida kēlēli la.

«AFP»
Basiriki TURE

Siisiyan bē se ka mogō faga

Siisiyan ye bana ye, min jēsennēn don dijē seleke naani bēe la, n'a bē mogō miliyon 100 ni kō la; kērenkērēnnēnya la a ka teli ka denmissēnw de minē. Siisan ye bana banbali ye, min juguya lakodōnnen don cogoya min na jamana hōrōnyali kuruw kōno, a b'o cogoya kelen na jamana yiriwalenbaw fana kōno, se b'olu minnu ye kosebē.

Siisiyan ye bana ye, min bē to ka wuli a tigilamogō fe tuma ni tuma, nēnē waatiwla. A bē juguya sufela la kosebē. Mogō faamuyalenw y'a jira ko bana in tana ye fēn dōw ye, banabaatō mana minnu kasa sama dōrōn, a ka bana bē wuli. A bana bē don ninakili degunni sababula. Nibana wulila, ninakili siraw fasaw bē funun u yēre ma; O la fīne donda bē mēson, k'a dōgōya; fīne mineta n'a bilata fana hake bē dōgōya. Banabaatō ninakili bē degun joona, k'a fogonfogon mankan kē filekan ye. O ninakili degunni juguya sirilen don banabaatow cogoya la.

I'n'a fo a jirāl'aw la cogo min na sanfe, bana in ju ye fēn dōw kasa samani ye, mogō bē fēn minnu cēla, kabin'i denmisennima. O bē se ka ke sōkōnōfēn dōw ye walima tabadaga ni sigaretisisi walima iziniwlabaarafēn, n'olu ye shimi poroduwiw ye ani fēn wērew ... A jirala fana ko denmisenninw ka sōgōsōgōw ni ninakilibana towani denjērenin minnu bē wolo k'a sōro girinya bēre t'u la, k'o ye fēn ye, min bē siisiyan wele.

Siisiyan mana wuli mogō fe, dōgōtōrō

dan ye k'a ninakiliyan lamen, n'a b'i n'a fo ko filefīnekan, a b'a dōn o yōrōn bēe fēn min b'a tigilamogō la.

Dōgōtōrō Mamadu JALO n'o bē sōgōsōgōnijetow ka dōgōtōrōsō la, o y'iñen don siisiyan kunkun n'a jēnēn ni nōgōn ce an ye, k'a jira tugu ko bana in bē se ka mogō faga n'i ma kōn a ma, k'a fura kē. N'a bana wulila, fēn kelen min b'a mada, o ye fura ye, n'o te dōgōtōrō JALO ko siisiyanto ninakili bē se ka ja fo k'a se saya ma.

A jirala ko siisiyan ye bana ye, min te furakē k'a ban sanko mogokoroba kunda; i b'a fura kē fo ka taa Ala mago s'i ma don min na. Dōgōtōrō JALO ko fura minnu bē bana in na, olu bē ninakili de nogoya siisiyanto ma, n'o te u te bana ban pewu.

Nka a kolosira ko ni siisiyan ye denmisennin minē k'a sōro a si ma janfa, a ka c'a la fura mana kē a la konuman, a ka bana bē ban pewu san damado kōno.

Dōgōtōrō ka foli la siisan kēlēli t'a furakē dōrōn ye. An bē se ka dansigi a bana wulila la ni fēn wērew kēlēli ye, i n'a fo minnu kasa b'a wuli.

Hakilijigin na, desanburukalo tile 11 ye siisiyan kēlēli tōgōladon ye dijē kōno. O don, kunnaconi suguya bēe do ka kanka dibana in kan, walasa an k'a kūnbēn. O ka kan fana, bawo a bē fo ko : «banakunben ka fisa banafurakē ye».

Burema Dunbiya
Basiriki Ture

Mali ntolatankow nənabō jekulu ka lajeba 35 nan kera Segu

San 2002, awirilikalo tile 6, Mali ntolatankow nənabō jekulu y'a ka laadala tənsigi 35 nan kə Segu dugu kono.

Tənba in nəmogoba Amadu JAKITE min ye san 10 kə kuntigiya la, o ka baara kelenw fəsəfəsəra tənsigilaw fə sənni a yərə k'a jini k'a bolo bə baara la.

Bəs lajelen bənn'a kan ko Mali ntolatankow nənabō jekulu kuntigi Amadu JAKITE ka san 10 baara nəna kosebə. U y'a jira ko kabini san 1992 fə ka na se bi ma Amadu JAKITE n'a baara nəgənəye fərərə o fərərə boloda, u sera k'o bəs waleyə. U ka fo la, o məgəsuguya labilali, k'a bolobəbaara la, ka məgə wərə bila a nəna, o tə ko nəgənəye. U ko Amadu JAKITE ka timinandiya ni dusu ni muju ni sabali kera sababu ye ka ni kura don Mali balontankow la. U y'a jira ko Ala ni Amadu JAKITE sababu, Afiriki ntolatankow nənabō jekulu «KAFU» ye san 2002 KUPUDAFIRIKI labənw kalifa Mali la. Taalen nəfə tənsigilaw ko n'i y'a ye Amadu JAKITE sera ka san 10 kə jamana ntolatankow nənaboli la, o y'a ye a ye tənba bolofaraw bəs jigifa Maliseleke naani na.

Ala barika la, Amadu JAKITE bəra Mali ntolatankow nənabō daba fə Segu Sikərə ani Balansandon. Dəgəkun damado sənni Segu lajeba cə Amadu JAKITE y'a nəniya siri ka jama lədənniya k'ale bən'a sen bə Mali ntolatankow nənabō jekulu ka baarala. Osiratigela, atun wajibiyalən don k'a ka san 10 baara kelenw kunkun n'u nənəyən təmo a baarakənəgənəw bəs nəna. A da sera foləbalontanko lahalaya ma Malikəno, tuma min na tənba kuntigiya kalifar'a la san 1992. Ak'oy'a sərə Malintolatan tun bə bəgo la. Ntolatan yoboyaba kojugu ye balontan kanubagaw bəs fari faga, k'u kədon ntolacikənə la o waati. Ntolatankow nənabō jekulu ka kəsu tun lənkələn don wa juruw yərə



Tijani JANELE

tun b'u la.

Amadu JAKITE yərə ka foli la, ale n'a ka biro ye dənsen kura don ntolatanko Mali la ni kubənw labənni kojuman ni nafoloko basigili ye. U y'u jija fə ka jamana ekipubaw təgəbə Afiriki kənəbaw kan. U ye Afiriki funankən i san 17 ka KUPUDAFIRIKI labən Mali la san 1995. A donnen kə «KAFU» la san 1992, Amadu JAKITE nəna jəyərə sərə dijə ntolatankow nənabō jekulu «FIFA» biro la san 1998. O san kelen «KAFU» ye san 2002 KUPUDAFIRIKI labənw di an ka jamana ma. Amadu yərə k'o labənni min na malidenw bəs ne b'o la : ntolacikənə numan 6 ani fasokunmabo Samatasəgə ekipu nənəma də labənni min bə se k'an kunkorota yərə bəs.

Amadu JAKITE k'o ma se waso la, ale ka biro ye Mali ntolatankow bədibi la, k'a bila kənə kan. K'a damine denmisənw na ka təmə balikuw fə ka na se tənw ni Samatasəgə surunnadonnaw ma, u m'u tə to nin kulu kelen si labənni na.

Nka Amadu JAKITE ko n'i y'a ye, ale

b'a fə k'a sen bə, baara ka kalifa məgo wərə la, o kun te dəwərə ye yələma nafama jini kə ka dənsen kura don ntolatanko an ka jamana kan. A b'o kə, bawo san 10 wasara, wa a b'a dən fana ko məgə bə sərə min bə se k'ale jəyərə fa.

Farikolojənajəko ministri kankərəsi Fasiriman JAKITE ye foli ni tanuni ni walenumandən kə ka taa Amadu JAKITE ma a ka san 10 baara numan sababu la Mali ntolatankow nənabō jekulu kuntigiya la. A y'a jira ko KANI - 2002 wolola fən nafama minnu na Mali kono, i n'a fə ntolacikənə ni dunanjigiyərən nisirabawni kuransow n'u nəgənnaw, k'an man kan k'an sigi k'olu tiŋətə lajə. A ko balontan ye togo min di Mali ma bi dijə tonkun naani na, an man kan ka sən a ka fə an ma sama, o k'o k'a fə an ma ko nsənsan. A k'o danaya kelen min dar'an kan Afiriki ni dijə kono, jamanakuntigi y'a sənsin o de kan k'a jira ko Mali bə min həfə sisən o ye san 2004 KUPUDAFIRIKI ni san 2006 KUPUDIMONDI sira jini yə.

Fasiriman JAKITE da sera min ma o kəfə, o ye denmisənw ka balontanko donni ye ba la ani «KANI-2002» ye baara kologirin minnuto an baolo, olu dəndələli. Akon'an məsək'ə, oye jamana ka səgen donnen ye bəgo la. Jəmukanw bəs lasəlen, Mali ntolatanko nənabō jekulu kura biro sigira su janfannen dənnən. Məgə min bilala Amadu JAKITE nəna ni balontan kanubagaw bəs bən'u jigə səmə ola, o kəra Tijani JANELE ye. O ma bəli məgə la, bawo ale de tun ye Amadu JAKITE masurunya baarakənəgən ye. O b'a jir'an na k'a ka c'a la, a bəna təmə ni Amadu JAKITE ka baara təw ye. N'a bəra məgə damado la, yələmaba ma don biro kərə la. San 4 kuntaala de bə biro kura bolo k'a jeniyərə fin Mali ntolatankow nənaboli baaraw la.

**Solomani Bobo TUNKARA
Basiriki TURE**

Tijani ΛANBELE ni kunnafonidilaw ye nōgōn baro

Mali ntolatankow nənabō jekulu ka Segu lajeba temenēn kō, san 2002, awirilikalo tile 6, a nōgōn kura Tijani ΛANBELE ni kunnafonidilaw ye nōgōn baro Bamako san 2002 mēkalo la. O baro senfē, Tijani ΛANBELE y'a jira kunnafonidilaw la ko Samataségew degekaramogo Hanri KASIPERIZAKI nōnabilā bēna kofō jama ye dōgōkun damado kōno. O siratige la, Mali ntolatankow nənabō jekulu ye mogōn 6 cōgōnna ka sēbenw sōro k'a ban, minnu b'a fe ka ke Samataségew degekaramogo kuraw ye. Tijani ΛANBELE ko Samataségew ka ko y'ale ka biro haminankoba fōlo dō ye san 2004 KUPUDAFIRIKI pēkōr min bēna tan Tinizi jamana kan.

Malintolatankow nənabō jekulu kūntigi ko kalo 4 dōrōn de b'an ni KUPUDAFIRIKI nata tako fōlo kūnbēnw ni nōgōn ce, minnu senfē Samataségew ka kan k'u disi da Zinbawe nānaw ta la san 2002, sētanburukalo tile 8 Harare kōno n'o ye Zinbawe faaba ye.

O la fo degekaramogo numan de ka sōro min bēna tēmē ni Hanri KASIPERIZAKI ka baara numan laseli y'a dan na. Hanri KASIPERIZAKI min ye Samataségew dege. K'u laben fo ka joyōrō naaninan d'u ma Mali-2002 KUPUDAFIRIKI la. A ko waati ka surun cogo min na, n'an m'an teliya degekaramogoko la, a b'an t'an tēgē ma. Taalen nēfē Tijani y'a jira kunnafonidilaw la ko Mali federason bēn'a sinsin fēn min kan, o ye degekaramogo numan ye min bē faransikan men n'a bē Afiriki ntolatankow kalama kōsēbē. A k'an mago bē degekaramogo la min ni balontannaw bē nōgōn faamu, ka nōgōn ka kan men walasa a ka se k'a kōta d'u kōno. Tijani ko tuguni k'ale ka biro demenēndon obaara la kōkan malidenw fe.

O temenēn kō, Tijani ΛANBELE ye kunnafonidilaw kōnna kōna ko Mali balontankow qabau kōna nōgōn jamana tonkun naani ntolatankow nənabō jekulu misenninw bēe fe u k'u hakilinataw n'u felaw jira

«Shanpiyōna» labencogo kan, k'olu kēsēbenw ye k'uci ka bēn zuwēnkalō tile 15 ma. O la, ale ka biro bēn'o sēbenw kōnkok fēfēsē kalo kelen kūntala kōno fo ka se zuluyekalo tile 15 ma. Oké, Malintolatankow nənabō jekulu a bēe bēna nōgōn wācōmēl wācōmēl Bamako k'unendon «Shanpiyōna» ni cōcōn ce. Fen min mana bō o lajeba ka baara kōno, «Shanpiyōna» bē bila o minen kōno, Tijani ΛANBELE ko Mali n43, tolatan ekipubaw b'a fe ntolatankow nənabō jekuluba k'u dēmē ni nafolo ye, bawo u ka doni ka ca u ka sōro ma. O kadara kōno ntolatankow kūntigi k'ale b'a fe o demenē nafolo sōrocogo ka lajē ji nēmajōlen na ekipubaw kūntigw ni federason biro fe. O nafolo bē se ka

nini sira o sira fe, u ka kan ka hakilijagabo k'o kan nōgōnfe, i n'a fo Senegali federason sera cōgo min na ka sefawari miliyari kelen ni kōsō u faso-kunmabōbagaw mankutuli la jamana kōno an'a kōkan, n'o ye gayindew ye.

Tijani ΛANBELE y'a sinsin ntolatan yiriwali kan Mali kōno. A y'a jira kunnafonidilaw la k'o te se ka ke ni Maliden kelen-kelen bēe m'a jeniyō fin balontanko la. A b'a nini an bēe lajelen fe an kana dan kumamugu ma. N'an bēe y'an seko damajira ke, a ka c'a la Samataségew nā dōn dō ye.

Solomani Bobo Tunkara
Bashiki Ture

KOORI SANSONGO JIGINNA

Goferenaman ye sōmekelaw ka koori koloma sansongo boloda cōgo min na san 2002/2003 sannifeere hukumu kōno o file :

- nō fōlo : dōrōmē 36 / kilo 1
- nō filanan : dōrōmē 31 / kilo 1
- nō sabanan : dōrōmē 25 / kilo 1

TULON

Nin desen fila dilanbaga y'a dab'a kama ka fili 10 k'u la. A'y'olu nini.



jāabi

1) Berē min be tegē kōnd. 2) Fugula negeñu kinni fe. 3) Ce kinni fe bolō. 4) Ce kān kinni fe. 5) Duljik kūnryārs dō. 6) Ce min be kinni fe. 7) Ce je nūmanā fe. 8) Duljik bolō nūnkun. 9) Tege bolonkunin seere. 10) Duljik yōrō min kālaen don.

Sariyasoba y'a ban wotesében 541.109 na

Mali sariyasoba ye jamana peresidansigi wote nénabosébenw bës fësëfësé. K'u kunkun n'u nénenew bë njogon na. Onana ni yorocaman kalaw lafilli ye, bawo o wote ma k'a ye. Nanbaraw ni kurutukurutuwni sëbenw konokow yélémalin u laseli sumaya la ka fara jamana sariyasoba yëre ka kòlosikelaw ka jateminew kan, nin bës de kéra sababu ye ka yoro caman woteko don bogo la. Wotesében haké minbilala késuwkono wotekelaw fe; san 2002, awirilikalo tile 28, peresidansigi tako fôlo la, o kéra 2.201.154 ye. Nka Mali sariyasoba ye sëben haké min lafilii, k'a ban u la, bawo u bilacogo ma ne késukono, okéra 541.109 ye. Jateminé bër'akan konanbara fanba yera Segu

mara de kôho, bawo sariyasoba y'a banyen kala 137237 la. Kulukorodalen d'o kan ni 93054 ye, ka Tumutu tugu o lan wotesében 73.355 ye. Oko Gawo mara bëna ni 66.830 ye, ka Sikasod'o kan ni 46944 ye ani Kayi mara n'o ta ye 38.625 ye. An b'a ye ko nanbara ni kurutukurutu haké ma bonya Kidali, bawo yen mara wotesében 15.070 de lafillila. N'an'y'a haké sanga wotekelaw haké ma, min tun ye 21729 ye, an b'a ye ka wotekelaw tilako saba, sigiyoroma fila de ka kalaw filila. Minye Moti mara ye, sariyasoba ye wotekela 10.159 ka kalanw den kéréfe, ka Bamako wotekela 7941 t'a fili naman na. Maliden minnu bë kékán, olu ka wotekokéra ferekengamiba ye, bawo olu wotekela 111.040 cëma, mogg

51.976 ka kalaw bilala namanminen kono. An b'a wladonnia koni ban kéra yoré min wotesébenw na, o kololo bë se fanga ninaw bës lajelen ma, nali minnu sen t'a nanbaraw la.

A jirala ko hali ni sariyasoba ka sëgeségeli ma yéléma don pogondan cogoya la nefémogow ni njogon ce, k'a kéra sababuye ka Ibarahima Bubakari KEYITA surunya ADEMA cëbo Sumayali SISE la kosebe, k'u furance dögoya a ne bës ma. Sumayila SISE binna ni kala 156432 ye, bawo a bora kala 489.957 la k'a ka kalaw mumé ke 339.525 ye.

Min ye «ERIPEMU» cëbo Ibarahima Bubakari KEYITA ye, dögön bora ale ka kala haké sorolen na, bawo a bora kala 445.030 la ka ke kala 329.143 ye. An ka jamana goferenaman kuntigi körbinna nikala 115.887 ye. Sumayila SISE ni Ibarahima Bubakari KEYITA ni njogon ce bora kala 44.927 la ka ke kala 4382 dögön ye. O sababu bora körönfela maraw kalatako nanbaraw de la, yoré minnu na Sumayila SISE tun bë ten kan.

Min ye Amadu Tumani TURE ye, n'an k'a ma «ATT», ale binna ni kala 153.822 ye. Abora kala 602.998 la ka ke kala 449.176 ye. O n'a taa bës, Amadu Tumani TURE de kéra fôl'ye Mali peresidansigi kalafili tako fôlo la. Sumayila SISE dara «ATT» kan, ka Ibarahima Bubakari KEYITA ke sabanan ye.

I komi moggila de bë nini tako filan na, o kuwaba kéra Amadu Tumani TURE «ATT» ni Sumayila SISE ce san 2002, mëkaloo tile 12.

**Gawus DARABO
Baisirki TURE**

**"AMAP" kuntigi
Gawus DARABO**
Mali kanw kunnafonisébenw
baarada kuntigi
Nanze Samake

Kibaru

BP : 24 Telefoni: 21-21-04

Kibaru Bugufiye Bozola

Bamako -Mali

Dilanbagaw ni sëbenbagaw kuntigi

Basiriki Ture


Sëbenbagaw kuntigi

Badama Dukure

Labugunyoro Kibaru gafedilan baarada

Bolen Haké 16 000

Afiriki ntolatan ye sanga soro san 2001 na



Afiriki ntolatankow nénabó tónba «KAFU» y'a jir'a ka tónsigi d'o senfe ko Afiriki balontanna nana min njogon ma ye san 2001 mumé kono, k'o ye Senegali funankénin Eláji JUFU ye minye Mali KUPUDAFIRIKI tògobölen d'o ye. Eláji JUFU bë ka balon tan sisani Faransi balontantónba dëla, n'o ye Lansi ka tón ye. N'an y'a lajé konuman an bë se k'a fo ko ninan ye Senegali ka san ye.

Minye Afiriki ladiyalifénw yentolatanko la san 2001, o file :

San ntolacilá : Eláji JUFU ka bë Senegali

- San ntolacitónba Senegali warabaw
- San ntolacitón ekipuw haké la : Kayizeri Kiyefu : Afiriki - Di - Sidi.
- San degekaramogoba Senegali degekaramogó Birino MESU
- San nanaminéjanaw ka cëbo balontannaba Filawiyo Amado, n'o bë Angola tón Petoro Atletiko la.
- San bi numandonbaga Zuberi Baya ka bë Tinizi.
- Sancelukolosibaga : Esamu Ali Hadari n'o bë Al-Ali tón na Misirajamana kan.
- Jigiya dara funankénin min kan san kono : Deréki Bowatengi ka bë Gana.
- Basiriki Ture.